

UGOVOR O JAVNOJ NABAVCI

Ugovorne strane:

1. Kantonalno javno komunalno preduzeće „Vodovod i Kanalizacija“ d.o.o. Sarajevo, ul. Jaroslava Černija br. 8, koga zastupa direktor Nezir Hadžić, Magistar uprave (u daljem tekstu: Kupac)

i

2. "Indenna-Dizalice" d.o.o.Gračanica, ul.Pijaca bb Gračanica, ID4209796580004,koga zastupa direktor Fahrudin Salihbašić,dipl.ing.maš.,(u daljem tekstu: Prodavac).

Član 1.

Predmet ovog ugovora je nabavka roba: „**Nabavka lančanih dizalica**“, a sve prema tenderskoj dokumentaciji br. KZ 85/16-P-1 i usvojenoj ponudi broj: 2-VE-034/17 od 28.02.2017.godine, koja je sastavni dio ovog ugovora.

Član 2.

Ukupna vrijednost nabavke roba iz člana 1. ovog ugovora bez uključenog PDV-a iznosi: 10.019,81 KM (slovima: deset hiljadadevetnaest i 81/100 KM).

Ukupna vrijednost nabavke roba iz člana 1. ovog ugovora sa uključenim PDV-om iznosi: 11.723,18 KM (slovima: jedanaest hiljadasedamstotinadvadesetri i 18/100 KM).

U cijenu su uključene carine, takse, osiguranje kao i druge dadžbine date na paritetu FCO skladište Ugovornog organa u Sarajevu- Stup. Ugovorena cijena uključuje pored navedenog i pakovanje, transport i troškove osiguranja.

Ugovorena cijena je fiksna i ne podliježe bilo kojim izmjenama.

Član 3.

Prodavac se obavezuje da robu koja je predmet ovog ugovora isporuči prema uslovima iz tenderske dokumentacije i prihvaćene ponude.

Član 4.

Prodavac će predmetnu robu isporučiti u skladište Kupca u Sarajevu na adresi Gliše Jankovića br. 8. i to u roku: 2-3 sedmice od ispostavljanja narudžbe od strane Kupca.

Prilikom isporuke robe u otpremnici, pored iskazane količine, potrebno je obavezno navesti i usvojenu jediničnu cijenu iz ponude Prodavca.

Ugovorne strane su saglasne da se kvalitativni i kvantitativni prijem robe izvrši zapisnički putem Komisije koju sačinjavaju ovlašteni predstavnici svake ugovorne strane.

Prodavac će uz isporučenu robu dostaviti garantni list sa garantnim uslovima, el.shemu spajanja električne lančane dizalice, tehničku dokumentaciju sa uputstvom za rukovanje i održavanje za električnu i za ručnu lančanu dizalicu, atest za kuku i lanac za električnu i za ručnu lančanu dizalicu, atest za hvataljku i katalog rez.dijelova za električnu i za ručnu lančanu dizalicu.

Član 5.

Zapisnik iz člana 4. ovog ugovora je osnov za plaćanje ugovorne cijene.

Član 6.

Način i uslovi plaćanja su: 30 dana od ispostavljanja fakture, na transakcijski račun Prodavca broj: 1542002000558086 kod INTESA SANPAOLO BANKA d.d.

Član 7.

Prodavac ima pravo na produženje ugovornog roka u slučaju više sile.

Rok za isporuku predmetne robe produžit će se za onoliko dana koliko je trajala smetnja.

Prodavac je dužan podnijeti zahtjev za produženje roka Kupcu u roku od **3 dana** po nastanku razloga za produženje roka.

Produženje roka utvrđuje Kupac u pisanoj formi i to u roku od **5 dana** po pisanom zahtjevu Prodavca.

Član 8.

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

Član 9.

Robe koje su predmet ovog ugovora moraju biti u skladu sa kvalitetom naznačenim u usvojenoj ponudi.

Ukoliko se zapisnički utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan da robu koja je predmet reklamacije zamjeni novom. Dužina trajanja garancije na isporučenu robu iznosi minimalno 24 mjeseca od dana isporuke robe a Prodavac je obavezan prilikom isporuke dostaviti garantni list sa garantnim uslovima.

Član 10.

Prodavac se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Kupca.

Član 11.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

Član 12.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

Član 13

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 14.

Kupac može pisanim obavještenjem poslatom Prodavcu, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Prodavac propusti da isporuči predmetnu robu u vremenskom periodu određenom u ugovoru;
- ukoliko Prodavac propusti da izvrši sve druge obaveze prema ugovoru koje bitno mogu djelovati na Kupčev rad;
- ukoliko Prodavac bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Prodavac ima prema Kupcu.

Prodavac, može takođe pismenim putem raskinuti ovaj ugovor, u slučaju da Kupac ne ispuni obavezu plaćanja, kako je definisano u članu 6. ovog ugovora.

Član 15.

Ovaj ugovor stupa na snagu kada ga potpišu obje ugovorne strane, a zaključuje se na period od 6 (šest) mjeseci od dana potpisivanja istog. Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:


- Tenderska dokumentacija br. KZ 85/16-P-1
- Usvojena ponuda br. 2-VE-034/17 od 28.02.2017. godine.

Za Prodavca:

Za Kupca:

v.d. Izvršni Direktor

za Vodovodni sistem


Kenan Đipa, dipl.ing.el.

Projektovanje, proizvodnja, servis
kranskih i transportnih tehnika

doo "Indenna-Dizalice"

Gračanić Direktor



Fahrudin Salihbašić, dipl.ing.maš

Broj: 63/17.....

Datum: 28.07.2017.



Direktor


Nezir Hadžić, Magistar uprave

Broj: 130/17.....

Datum: 25.4.2017.....